

UMT bangunkan Pulau Bidong

Um 3/7/09 m/s ab.

KUALA TERENGGANU 2
Julai – Universiti Malaysia
Terengganu (UMT) akan
membangunkan Pulau
Bidong di sini sebagai taman
pendidikan laut.

Naib Canselornya, Prof.
Dr. Aziz Deraman berkata,
tumbuh-tumbuhan di Pulau
Bidong yang berada di
bawah seliaan UMT kini
sudah mula membiak
selepas pelaksanaan program
pemuliharaan beberapa
tahun lalu.

Menurut beliau, pihaknya
juga telah menghantar pakar
untuk mengenal pasti dan
menanda pokok-pokok yang
tumbuh di pulau berkenaan.

“Apabila selesai proses
menanda pokok-pokok,
Pulau Bidong sesuai
dijadikan tempat lawatan
dan aktiviti pendidikan.

“Ia juga amat sesuai
dijadikan kawasan
penyelidikan,” katanya selepas
Majlis Mesra UMT bersama
Media di sini malam tadi.

Aziz berkata, UMT
memperuntukan sebanyak
RM3 juta untuk
membangunkan beberapa
infrastruktur asas di pulau
berkenaan dalam usaha
mencapai tujuan tersebut.

“Antara yang akan dibina
ialah jeti, makmal
penyelidikan dan
kemudahan bekalan elektrik
dan air,” katanya.